

## KORINT DILAG NAI 2 PAULUS YOM

### *PAULUS NUG KAYAKNU ENA HEME AUM*

<sup>1</sup> Da Paulus amu Kayak Nug nuка da totol danab meide, da Kristus Jesusnu totol danab daat m. Da ig lainig Timotius ele i ad udug imu yaatep amu i ag danab ah Kayaknu kristen tamaniak Korint daat eb ahilagnu amu Kayaknu danab ah oh Grik wanpa apa daat eb amu oh dilagnu ele yaatep. <sup>2</sup> Ig Mamenig Kayak amu Nadi Jesus Kristus ele, ahi-lah ehanit k okai hamu meg ep amu ahilah madod ele ahilaga pa daaglahnu oonih daat e.

<sup>3</sup> Ig Kayak binag humatu! Nug am Kayak ihinig, Nadi Jesus Kristus Mameg. Nug am oo gai ii ta doyak kobol diig. Nug danab oh ag ug ele daat eb amu Nug he, ag oolag madod met e. <sup>4</sup> Ug oh ihinigpa bet e, Nug he, ig oonig madod met e. Anam amunu ig danab ug diigdiig ele dooteb amu, ig heput, ag oolag madod mekunu elele daat em. <sup>5</sup> Adinu? Kristus Nug guit k nadi mawom, amubia ig ele amu maot em, anamib Kris-tusnu oo madod okai amu ig oonigpa am ba, laa ehanadkunignu leta net e. <sup>6</sup> Am haen ig ug maot em ele amu, ug mawak amunu diig am ag Korint ag ig amu maot em anidna, ehanit k aona, ag oolag madod mee b, Kayak Nug ele laipu daaglag. Aria haen Kayak Nug he, ig oonig madod met e amu, haen amupa ag ele ag oolag madod me, ag ahan elele daanna, ug ig maot em bia ag oolag madod elepa maoglagnu gagat g aoteb. <sup>7</sup> Amu ig ag ena

daaglagnu oonigpa genab gagatag dootem. Adinu? Ag ig ele oh guitak maotem anam bia ele ag ig ele oh oo madod laipu aotem.

<sup>8</sup> O lailad, ag imu dooglagnu oonig daate. Asia taliliakpa ihinigpa ug beum amu ug amu okainab, ig tonika, gagatag ihinig oh editom. Ig anam anidta, dab mak ihinigpa amu ig, “Geha ig mauh kunig,” anam doomut. <sup>9</sup> Genabnab, ig ug doota, “Ig mauh kunig,” amut amge anam beumnu diig am ig ika ihinig gagatagnu am ii dab memata, ig Kayaknu gagatag dab mekunignu beum. Nug danab mauhpig amu heeb, ag edun hipaidkulagnu Kayak. <sup>10-11</sup> Ig mauh kunignab doomut amge Kayak Nug ig edua awikom, gemu ele anamib ehanigte. Ag ahilagunuqitakpa ehanigpeg, Kayak Nug geha ig edua awikeb, ig ena daagnignu nuhignu oonigpa genab dootem. Anam hepeg amu geha danab ah kudum laa ag ele unuqidpeg, Kayak Nug ig ehanikeb, aria geha danab ah kudum ag ihinignu dab menana, Kayak Nug keeke hetem amunu Nug amegpa, “Ena heme,” aon akulag.

### *PAULUS NUG KORINT DANAB II HAM BUPUALATOM*

<sup>12</sup> Aria ig ika amu keeke laipunu am binanig metem. Ihinig ulum oonigpa daate amu ele keeke amuam genab ipunigte. Keeke amuam inam. Ig wanpa oitem amu ig Kayaknu opia awak kobol amu nuhig ham bpuak iita kobol ele aot oitem. Ig danab dab makpa ii hetem. Iita. Ig Kayaknu ehaniak okai, hamu megte, amupa hetata amu ig ag Korint daateb ele amu, ag oolagpa huana hemut. <sup>13-14</sup> Ig nai laa ii yaatem. Iita. Nai ag

eb qena, diig dooglagnu elele amuib ig yaata, ag gemu nai amu lahib doot<sub>eb</sub> ele amu, ag geha nai amu diignab dooglagnu ool ele daate. Ag anam hekulagnu diig amu Nadi Jesusnu dedpa ag ihinignu oolag gamag ahebeb, ig ahilagnu ele anamib doognig. <sup>15</sup> Da ag ahilag dab mak dahilnu am enaib oolpa genab doye, ag ehanitak adit aoglagnu amu da ahilagpa haen adit gokulnu dab memi. <sup>16</sup> Da inam dab memi. Da ahilagpa tatam ukena, da ag uuaten, Makedonia ukoya, geha da Makedonia uuate edue, ag guma<sub>te</sub> gopi, ag da meidpeg, Juda gokulnu dab memi. <sup>17</sup> Da anam hekulnu dab memi amge anam ii beum amunu da odelpa nai eduak eduak hamu maditemte? O da nai keeke hekulnu atem amu da hamu naiibtai, wanpan danab nai ate<sub>b</sub> amubia amu da, “Ao,” o “Iita,” hamu maditemte? Anam iitanab. Da nai oh genab atem.

<sup>18</sup> Kayak Nug adi keeke hekunu ate amu Nug genab het<sub>e</sub> amubia genab ig nai oh ag amelagpa atem amu ig ao, iita ele, nai adit amu oh ou aqata ii maditem. <sup>19</sup> Adinu? Silas, Timotius amu da ele ig ag oolagpa nai mehuqmut amu, nai amuam Kayak Beka, Jesus Kristusnu nai. Amu ag doot<sub>eb</sub>, Kristus Nug ao amu iita ele ii ou aqatom. Iita. Kristus nuhigpa amu nai aoib daate. <sup>20</sup> Ao, Kayak Nug keeke oh hekunu nai qaka aum amu Kristus nuhigpa nai amu oh meu bekunu, “Ao,” awa ate. Nug anam hetenu diig amu ig Kris-  
tus onigpaib nai amu genab atata, nai amupa ig Kayak binag metem. <sup>21</sup> Amu Kayak Nug, ig ag ele gaga<sub>te</sub> megeke, ig oh Kristusnu danab

gagatag daat̄em. Kayak Nug ig tituanika, <sup>22</sup> Nug ig nuhignab daat̄emnu eponak keeke nuhig amu ele ihinigpa mewowa, ig keeke Nug megakun babaitom amu genab aognignu amu doognignu, Nug nuhig Oudi, hapin paniak bia, ig oonigpa meum.

<sup>23</sup> Da ham bupualadtem dayeb amu aria Kayak Nug dahil ham bpuak amu heeb, miag atiku. Amge iita. Da nai genabib atem, da ag ug madakulnu ool ii daye, da paha ahilagpa, Korint apa ii gomi. <sup>24</sup> Ag ahilag oopa genab doyakpa ahan gagatag daat̄eb amunu ig ahilag oopa genab doyak gumagnignu ii het̄em. Iita. Ig ag ele udat het̄em amu ahilag gamag ahak amu miag atiak daakunu het̄em.

## 2

### AG DANAB EHED HEUMNU HIPUNIN UHUQNA METAGLAG

<sup>1</sup> Amunu da edue, ag gumaṭe uke, nai dahilpa baula guitak madapi, ag oolag ug daamanu dab memi. <sup>2</sup> Adinu? Da ag oolagpa ug madapi amu aria laa nug da oo gamag ahak medakunu iita! Ag aka! <sup>3</sup> Da nai matu ahilagnu yaami amu da diig imunu yaami. Ag da oo gamag ahak medaglagnu daat̄eb amge da uken, ag ug laala ii bapaidpig antena, oolpa ug doopanu yaami. Da ahilagnu amu da ag ele ag da adi kobol tutuku hekulagnu oo gamag ahak doot̄em amu ag ele amunu oolag gamag ahakunu genab doomi. <sup>4</sup> Da anuka ahilag ad udugpa nai ug ele yaami, haen amupa amu da ahilagnu ool ug okai guitak ele doyeye amu da huanak ele gaami. Am da ad udug yaami amupa

da ag oolag ug medakulnu ii yaami. Iiṭa, da ad udug yaami amu ag da ahilagnu ool mauhṭe amu dooglagnu yaami.

<sup>5</sup> Danab aun nug he, ug beum amu nug da ug ii medom. Nug ag ug matom amge da nug eheḍnab doomanu amu da ag oh ug matom ii atem. Iiṭa. Nug am ag oh oolagpan laib laib ag aaču oolag ug matom. <sup>6</sup> Danab kudum ag nob nau danab amu medapig, amuam aaču elele. Ag aib baubau huanaknab medapig. <sup>7</sup> Amunu ug naunab danab amu tonamanu, ag anam hak amu uuna, oo mak kobol henä, ag nuhig hipunin amu unuqna metona, ag hepeg, nug oo mađod ele daaču. <sup>8</sup> Ug nuhigpa anam bemanu, da ahilag oo mauhak nuhignu amu ag nug ipunidkulagnu unuqadtem. <sup>9</sup> Da ad udug anuka yaami amu da ahilag kobol atemunab, da ag amelagpa nai keke ohnu ain ipuanadtem amu ag nai amu dim lamidtebte o iitatem, amu da dookulnu yaami. <sup>10-11</sup> Ag danab laanu hipunin uhuqna medateb amu aria da ele hipunin amu uhuqen medatem. Amu hipunin laa da uhuqen medakulnu dayomtai o iita ii dayomtai amge anam dayom dayeb, da uhuqen metami ele amu, da Satan, nug ig bubuika edigmanu, ag ehanadkulnu, Kristus noobpa hipunin amu uhuqen metami. Satan nug ig ib diigdiigpa ig edigkunu hete ele amu, ig amunu kaaka ii daatem.

### *TROAS APA PAULUS NUG OO UG ANTOM*

<sup>12</sup> Anuka da Kristusnu Nai Ena mehuqkulnu Troas tei, Nađi Nug dahil ib amu od matulom  
<sup>13</sup> amge da ool mađod ele ii daami. Adinu? Da layal

Titus da nug ii anidmi amunu da Troas danab uuate, da uke, Makedonia temi.

### *KAYAKNU GAGATAGPA TOTOL AG BANE DIDTEB*

**14** Am gemu da Kayak amegpa, “Ena heme,” awe atem. Nug ig ehanikeke amu ig Kristusnu gagatagpa ban edidtata, Kayak nai mehuqutut, danab ag nuhignu aaku dooteb. Doyak amuam mutudig enanag aben ohpa go te amubia het e. **15** Adinu? Danab laa nug ad udug mutudig enanag ele edipa me, mutudig ote amubia, ig Kayak noobpa Kristusnu mutudig enanag daatta, danab Kayak edua diiom, ag padal mekulagnu ii oiteb amu danab ag oolagpa genab ii dooteb, padal mekulagnu oiteb ele amu, ahilagpa ele ig mutudinig, Kristusnu mutudig bia dooteb. Amge ag oh ahilagpa amu ig mutudig laipu bia ii daatem. Iita. **16** Danab laala ag Kayaknu oolagpa genab ii dooteb ele amu ag am mutudig ena ote amubia ii dooteb, ag ehed, mauhak bedak udig ote anam bia dooteb amge danab ag oolagpa genab doona, padal ii memananu oiteb amu ag am mutudig ena ote amubia dooteb, ag am bau dayak mutudig dooteb. Ig anam bia daa tem amge aun nug udat anam hekunu elele? Ig oh am elele iita. **17** Danab ku dum laa ag aben ohpa gona, Kayak naipa men dodonu udat heteb ele amu ig amubia iita. Iita! Ig udat imu Kayak nuhigpa aomut amu ig Kayaknu udat amupa ham bupuak ii hetem. Iita. Ig tutukunab heut go te. Ig Kristusnu udat danab daatta, ig Kayak noobpa nai amu mehuqtem.

**3*****TITUANAK BAUNU UDAT DANAB***

<sup>1</sup> Nai imupa ig baula ag ig dooigkulagnu hetem bia dootebte? O iita ag Korint danab ag ig dooigkulagnu, danab laala heteb amubia, danab laa ag ihinignu ad udug laa yaapeg matagnigte? O iita ag Korint ag ihinignu ad udug amubia laa yaaglagte? Amu oh iita. <sup>2</sup> Am danab laala ag ig dooigkulagnu udug yak amuam ag Korintib aaku. Udug yak amuam ad udugpa ii yaamut. Iita. Kris-tus Nug ig oonigpa ye, danab oh eb qekulagnu daate. <sup>3</sup> Danab oh ag Kristus Nug nuka ad udug amu yom anidteb. Nug ya meke, ig aot oitem. Nug gaupa, men mahapa, ii yom. Iita. Nug Kayak Oudipa danab oolagpa yom.

<sup>4</sup> Ig anam genab dootemu diig am Kayak. Nug he, Kristus anam ipuniye, ig nai amu yaamut. <sup>5</sup> Genabnab ig ikaib udat imu hekunignu amu elele iita. Keeke anam daate amunu ig ika keeke laa hemut amunu ii amata. Iita. Kayak Nug nuka he, ig udat imu hekunignu elele daatem. <sup>6</sup> Kayak Nug he, ig elele daata amu ig tituanak baunu udat danab daatemu. Tituanak bau imu amu nuhig do nai yak laa iita. Iita. Nug am Kayak Oudinu keeke. Do nai yak amuam danab qe mauhete amge Kayak Oudi Nug am danab bau ena daakunu keeke medate.

***TITUANAK BAU AM ENANAG***

<sup>7</sup> Kayak Nug do nai amu men mahapa ya, Moses epegpa me awom, do nai amu ig oh dim lamidkunignu am elele iita. Amunu do nai nuhig udat amu ig ihinig hipuninnu oonig ii eduebeb am ig mauhta padal mekunignu daate. Amge Kayak

Nug do nai amu he, amahlak nuhig nadinab amu ba, Moses idupa amahlele, Israel ag nug idupa neegkulagnu elele iita daapig. Moses nug do nai matia male, dimpa amu Kayaknu amahlak nug idupa amu aaku iita meum. <sup>8</sup> Donu amahlak am okainab amge Kayak Nug danab ah nuhig Oudi madakunu heum, tituanak amuam tituanak alag amu edidte, amahlak nuhig am amahlknab. <sup>9</sup> Adinu? Am do nai, nuhig udat amu nug ig edpedika amenigpa padal mekunignu ate amge nug am Kayaknu amahlak ele. Anam daate amunu tituanak bau, nug danab ehanate, baukel daateb, amuam amahlak naqinab iitate? <sup>10</sup> Amahlak nug anuka amahlom ele amu amahlak dimnu bia iita. Dimnu amahlak amu nug editaknab. Nuhig amahlak am okai, amahlknab, aben ohpa amahalkunu elele. <sup>11</sup> Keeke haen tutuib daakunu beum amu nug am Kayaknu amahlak ele beum. Amunu keeke hanhan daakunu beum ele, amuam amahlknab. Nug Kayaknu amahlknab ele.

<sup>12</sup> Ig tituaniak baupa ehaniqak aognignu oonigpa genabnab dootem, ig amahlknab amu ameg metem amunu ig ii badatem. <sup>13</sup> Moses heum bia amu ig ii hetem. Nug lamen qati tepu iitapa idu hautom amunu Israel ag idupa amahlak amu ii anidpepeg, uka iita mekunu anam heum. <sup>14</sup> Amge Israel danab ag dab mak ahilagpa ag tituanak alagnu, ag amu tutuku oolag ii maidte. Anukanu udie gemu ele anam. Ag haen oh tituanak alagnu yak amu ag eb qeteb amge ag amu ii dooteb. Idulagpa lamen qati hautak amubia ina daate. Ag ii aoteb. Iita. Danab nug Kristusnu oopa genab

dooṭe dayeb amu Kayak Nug lamen amu uhuqṭe. <sup>15</sup> Ao, Israel ag gemu ele hanhan Mosesnu ḋo nai eb qenana, ag oolag ii maidṭe, lamen qaṭi ag oolag hautak bia aaḱu daaṭe. <sup>16</sup> Amge danab nug oo edue, Nadi oo medaṭe amu aria Kayak Nug lamen amu uhuqe, nug oo aaḱu maidṭe. <sup>17</sup> Nadi Nug am Oudi daaṭe amunu aria Nadinu Oudi Nug danab laa topa daaṭe amu keeke laa danab amu ada ii mani guidma. Iita, hamu elele enaib daaku. <sup>18</sup> Amu keeke laa ig idunig ii haut-te, Nadinu amahlak ena ihinigpa udiaya, aam ameg leṭodpa ya danab idupa yaate amubia ihinigpanu ugēke, hanhan ig amahlak huanak aoṭem amunu amupa Nug ig baolikeke amu ig Nadi Nug bia edut daat̄em. Nadi nug am Oudi amu Nug anam aaḱu hetę.

## 4

### *PAULUS DANAB AH AMAHLAK MATOM*

<sup>1</sup> Kayak Nug ihinignu oo gai iiṭa doya, udat imu ig mekom amunu ig oonigpa bahi yak ii doot̄em. <sup>2</sup> Iiṭa. Ig kobol uda nak ele, laa lokumakpa heteb amu, ig kobol amu di met̄ota, ham bupauak kobilpa ele ig ii oitem. Am ig Kayak nainu ele amu ig baoliṭa ii het̄em. Iiṭa. Ig Nai Ena amu tutuku miag mehuqtut, danab oh ag doon, oolagpa hetodikegeg, Kayak noobpa udat imu het̄em. <sup>3</sup> Amge Nai Ena ig mehuqt̄em ele imu, nug lokumak daaṭe dayeb amu danab ag padal mekulagnu oīṭeb ele, ag amelagpaib amu lokumak daaṭe. <sup>4</sup> Danab amu ag Jesusnu oolagpa genab ii doot̄eb. Adinu? Satan, nug wan imunu

kayak ham bpuak daate, nug ag dab mak aomnanu ib oo neum. Nug anam heum amunu ag Kristus, Nug am genab Kayak, nuhignu Nai Ena amunu amahlak ii anidteb. <sup>5-6</sup> Anuğa Kayak Nug aum. “Gatatu oopa amahlak amu amahlad!” awa aum. Kayak anam aum amu Nug ele he, ig Jesus idupa Kayak binag okainab, amahlak okai bia, anidta dootem amunu ig ika ihinignu nai ii mehuqtem. Iita. Ig Kristus Jesus, Nug am Nadi daate, anam mehuqtata, Jesusnu nai dim lamidtem amupa amu ig ahilag udat hak nid daatemnu ele mehuqtem.

<sup>7</sup> Ig Kayak binag okainab elenu doyak aomut amge ig am danabib, ig wa wanpa hak amubia, keeke ena amu aot, laa oh ag gagaṭag okainu diig am Kayak, ig iita, amu dooglagnu daatem. <sup>8</sup> Aben ohpa ug amu ihinigpa bete amge ig amupa neta qeta autanab ii aotem. Adinu keeke laala ihinigpa bete amu ig oonig ii maidte amge ig amunu bag qetak ii dootem. <sup>9</sup> Am danab nau ag, ig iita mekunignu hena, dim lamigteb amge Kayak Nug ig ii uuigte. Ag ig oikeg, neta qetem amge ig nauha auta awaknab ii daatem. <sup>10</sup> Ig danab laa oh ag Jesusnu baukel ihinigpa anidkulagnu amu ig Jesus Nug haen oh mauhak ib odepä dayom bia ig mauhak ib odepä daatem. <sup>11</sup> Yo, ig am Jesusnu udat hetem amunu haen oh ig bau daautut, danab ag Jesus, bau dayak nuhig, ig mauhaknu bedunig imupa miag atiak bekunu ig iqapeg mauhkenignu heteb. <sup>12</sup> Anam amunu ig Jesusnu nai mehuqtata, mauhak ibpa daautut, ag nai amu oolagpa genab doona, baukel aoteb.

**13** Kayak naipa, nai laa daaṭe am inam. “Da Kayaknu oolpa genab doomi amunu da nuhignu maṭimi.” Amubia ig ele Jesusnu oonigpa genab dooṭem amunu ig madiṭem. **14** Adinu? Ig dooṭem, Kayak Nug he, Nadi Jesus Nug edua hibaiṭom, anamib geha Nug ig ele, Jesusnu gagatagpa ig ele mad ekeb, ig edut hipaidput amu Nug ig ag ele oh omaikeb gota, Nug ele oh laipu ou qak daagnig. **15** Am keeke imu oh beum amu ag ehanadkunu beum. Laa amu, Kayaknu ehaniṭak okai hamu megte amu gemu danab kudum laala oh ahilagpa am beebeb amu ag Kayaknu, “Ena heme,” amu okainab anana, ag Nug binag aṭan humaglag.

### *OOPA GENAB DOYAKPA GAGATAG AWAKNU NAI*

**16** Ig am dab mak amu aoṭem amunu Kayak udat hekunignu amu ig ii bodo edṭem. Ao genab, ig bedunig amuam nauhkuṇ hete amge ded oh Kayak Nug ig oonig bau gagatag medte. **17** Amu inam. Ihinigpa ug bete amuam nakokib, am haen tutu aakuib daaṭe. Geha dimpa hab aṭan amu ig bau hanhan, ena dayak amu aognig. Hab aṭan bau ena dayak amuam ig bedunignu ug nakok imu huana edidte. **18** Anam daaṭe amunu keeke ig amenigpa anadṭem ele, ig amunu keeke amuam anuqak, dab ii meṭem. Iiṭa. Ihinig dab mak okai gagatag amu keeke ig amenigpa ii anidṭem ele amunu dab mak aotem. Adinu? Keeke ig amenigpa anidṭem ele amu haen tutuib daaku, aria keeke ig amenigpa ii anidṭem ele amu geha hanhan daaku.

## 5

**1** Wanpan keeke haen tutuib daaṭe, hab aṭannu

keeke am bauklel ele amunu ig imu am dab metat dootem. Ig gemunu bedunig am wan imupaib oiyaknu daate. Keeke hanhannu iita, danab nug peh haen tutuib daakunu hete, amubia. Anam daate amu aria peh nug nauhete, amubia ig bedunig gemunu nauhpeg amu Kayak Nug bedunig laa, lagnab bia, hab atan apa megakunu daate. Lag amuam Kayak Nug heum, danab laa ii heum. Nug hanhan daaku. <sup>2</sup> Gemu Nug hab atanu lag, ig lamen metem amubia ihinigpa mekunu oonig huana daate. <sup>3</sup> Adinu? Nug hab atanu keeke amu awa, ihinigpa meeble amu geha ig danab bedu miag atiak daate amubia ii daamta. <sup>4</sup> Ao, ig peh laka daatta, ig ug dootta aiqagttem amge ig wan imupanu bedunig imu uut, hamu daagnignu oonig ii daate. Iita! Ig hab atanu bedunig, wan imupanu bedunig qadepa meput dayeb, wan imupanu bedunig, ag mauhkulagnu daateb ele amu, ag hab atanu bedunig, ag hanhannu daateb amu, ag oolagpa daanna eduna, bauklelnu keeke daaglagnu oonig daate. <sup>5</sup> Kayak Nugib ig anam daagnignu ib babaitom daate. Kayak Nug genabnab genab geha keeke amu oh megakunu ipunigkunu Nug nuhig Oudi, hapin paniak bia, ig mekom.

<sup>6</sup> Diig amunu amu ig hab atanu bedunig aognignu dab mak aotem, ig ii aognignu amu ii dab metem. Ig anam dab metata amu ig imu ele dootem. Ig wan imupa oiyaknu bedunig ele oitem amu ig Nadi ele hab atan ou qak ii daatem. <sup>7</sup> Adinu? Ig Nug ele ou qak daagnig, nai amunu amu gemu ig dayak amunab ii anidtem amge gemu oitem imupa am ig geha Nug ele daagnignu amu ig

oonigpa genab doot oitem. <sup>8</sup> Amge da ami aaku, ig hab atannu bedunig aognignu dab mak aotem. Ig ii aognignu amu ii dab metem. Ig wan imupanu bedunigpa daagnignu am ena dootem amge ig bedunig imu uuidput, Nadi ele apanig diigpanab daagnignu amu ig amunu enanag dootem. <sup>9</sup> Anam daate amunu ig ii mauhmut, haen imupa, ihinig mauhak dimpa ele amu ig kobil oh, Nadi Nug oo daate, amubia hekunignu dab mak gagatag aotem. <sup>10</sup> Adinu? Ig dootem, geha ig oh Kristusnu hetodiak abenpa daagnig. Aria haen ig bedunig imupa daatta, ig kobil nau hetem ele dayeb amu geha ig amunu nob aognig. O iita ig daatta, ig kobil ena hetem dayeb amu geha ig amunu nob ena aognig. Yo, ig geha anen anen kobil hemutnu nob amuib aognig.

### *DANAB KAYAK ELE OO LAIPU DAYAKNU UDAT*

<sup>11</sup> Amu ig Nadinu ena, oo otaiak ele dootem amunu ig danab ag nuhignu oolagpa genab dooglagnu udat okai hetem. Kayak Nug ig dooika malom, Nug noobpa am ig miag bemut daatem. Amu ig amubia ag oolagpa ele miag atiak daagnignu oonig daate. <sup>12</sup> Nai amupa amu ig ika ig oninig baula ii humatem. Ag ig danab ena anam doigkulagnu ii hetem. Iita, ig nai yaatem imu amu ag danab laala noolagpa ihinignu gamalag ahakunu yaatem. Am danab laala ag danab bedu dimitimnu keeke amunuib gamalag ahaate, ag keeke laa danab oopa daate ele amunu ag gamalag ii ahaate, ig ag danab amu geha edun naipa nob mekulagnu oonig dayeye, nai imu yaatem. <sup>13</sup> Ig Jesusnu oonigpa genab dootta, kobil laala, wanpan danab ag

amunu, “Kaaka kobol,” aon aṭeb ele amu, ig amu het̄em dayeb amu ig Kayaknu dab meta het̄em. O iīta ig nai unuqag, doyak ena elepa nai madit̄em dayeb amu ig ag ehandadkunignu het̄em.<sup>14</sup> Kristus nuhig oo mauhak amuib ig udat amu hekunignu mad edikom. Ađinu? Ig imunu tutuk̄u ena doot̄em, danab laipu Nugib ig danab oh ig abeninig awa mauhom. Nug ig ounig daya mauhom amupa ig oh aaķu mauhmut.<sup>15</sup> Nug danab oh abenlagpa mauhomnu diig am, danab oh daat̄eb amu ag aķa ahilagnuib dab mena ii oimna. Iiṭa. Ag am laa, Nug danab ehanaṭa mauhom amu nuhignu dab menana oiglag.

<sup>16</sup> Anam amunu gemu am, ig oo alagpan kobilpa baula danab laa ib amupa ii epedit̄em. Genab anuķa ig oo alagpan kobilpa Kristus epedimut amge gemu ig anam ii het̄em.<sup>17</sup> Amunu aun nug Kristus ele laipu daat̄ep, nug am danab bau. Anuķa dayom amubia am iīta. Nuhigpa keeke oh am bau daat̄e.<sup>18</sup> Am Kayak nuķaib he, amu oh bet̄e. Anuķa am ig nuhig keked daamut amge Kristusnu udat okaipa amu Nug he, ig Nug ele oonig laipu bemut daat̄em. Anam daautut, ig danab laa amelagpa Kayak Nug ag edua diikunu oo daat̄e aput dooglagnu meikom.<sup>19</sup> Nai ihinig amu iīku. Kayak Nug Kristusnu udat okaipa danab ah oh ag ahilag hipuninnu nob madakunu uuom, amupa Nug danab ah oh ele ag oolag laipu daaglagnu ib babait̄om. Aria Nug he, ag Nug ele, ag oolag laipu bekulagnu, nai amu mehuqaknu udat amu ig meke het̄em.<sup>20</sup> Ig Kristus ođe aota, nuhig nai madit̄em. Ig Kayak, Nug ig odenigpa

ag nai mada<sup>te</sup> bia amu ig Kristus onigpa danab oh amelagpa, ag keked kobol uuna, ag Kayak ib babai<sup>tom</sup> ele amu, ag ib amu dim lamidna, Kayak ele oolag laipu daaglagnu unuqad<sup>tem</sup>. <sup>21</sup> Kristus Nug ehed laa ii heum amge Kayak he, Nug ihinig mana met<sup>ak</sup> dayeye, Kayak Nug hipunin ihinig oh awa, laipu qag ma, Nug qa<sup>d</sup>epa me, Nug mawom. Anam amunu gemu Kayak Nug ig anika, ihinignu, “Danab tutuk<sup>u</sup>,” awa akunu elele.

## 6

<sup>1</sup> Ig Kayak ele oh ud<sup>a</sup>t het<sup>e</sup>m amunu ag Kayaknu ehanit<sup>ak</sup> okai, Nug hamu mat<sup>om</sup> amu, ag amu ii kakidmananu dab mekulagnu unuqad<sup>tem</sup>. <sup>2</sup> Kayak Nug, “Da ehanadkulnu daaiyi, ag gaaegeg, da edua diikulnu ded<sup>a</sup>p<sup>a</sup> da ehanadmi,” awa aum. Doyeg! Gemu am Kayaknu ehanit<sup>ak</sup> okai awaknu haen. Gemu Kayak Nug edua awig<sup>k</sup>unu dab met<sup>e</sup>.

<sup>3</sup> Ig ud<sup>a</sup>t imu het<sup>e</sup>m amu danab ag ig anigna, ud<sup>a</sup>t imunu ehe<sup>d</sup> doomnanu amu ig oiyak ihinig atog notata, danab ag ib apididkulagnu kobol laa ii het<sup>e</sup>m. <sup>4-5</sup> Ii<sup>ta</sup>. Ig am Kayaknu ud<sup>a</sup>t danab daa<sup>a</sup>tem ipuanadkunignu amu ig ug diigdiig bak haenpa ig gaga<sup>ta</sup>g daat, ug amu doot maot oit<sup>em</sup> amupa amu ipuanad<sup>tem</sup>. Ig ihinig kobolpa keekenu tutu mak haenpa, ihinignu oo aeg bak haenpa, oo doyak haenpa, oikak haenpa, mani guit<sup>ak</sup> inikak haenpa, lami<sup>ak</sup> haenpa, ud<sup>a</sup>t nadi gagatag hak haenpa, niiak elele ii<sup>ta</sup> haenpa amu enug iqak haenpa ele amu ig haen amu oh ig gaga<sup>ta</sup>g daat, ug maot<sup>em</sup> amupa amu ig am Kayaknu ud<sup>a</sup>t danab ipuanad<sup>tem</sup>. <sup>6-7</sup> Laa amu ig am Kayaknu ud<sup>a</sup>t danab daa<sup>a</sup>tem amu ig ihinig opia

awak kobilpa, ihinig oo metak kobilpa, laa dilagnu oo aeg bak paha ii dootem kobil ihinigpa, laa dilagnu oo doyak kobil ihinigpa, ig Kayak Oudi ehanitakpa, ig ihinig oo mauhak kobilpa, ig nai genab maditem, kobil amupa amu Kayak gagatagpa ele ig am Kayaknu udat danab daatem ipuanadtem. Ig Kayaknu ban haknu keeke epenig nadiapa nanehpa ele adaatem amupa amu<sup>8</sup> danab laala ag ig oninig humaegeg amu danab laala ag am ig oninig adaege note elepa amu danab laala ag am nai nau ig dimunigpa matiegeg amu danab laala ag ig kobil ena hetem amunu maditeb elepa, ig amu ohpa ig am Kayaknu udat danab daatem ipuanadtem. Am laala ag ihinignu ham bupuak danab anam doigteb amge ig am anam iita, ig nai genabnabib maditem.<sup>9</sup> Danab laala ag dooigteb amge, "Ig ag ii doyadtem," aon ateb. Ig am danab mauhkunu hete bia amge ig ii mauhtem, ig am bau daatem. Ig bu megteb amge bu nug ig iqe ii mauhtem.<sup>10</sup> Ig am oonigpa ug elenab amge haen oh ig am gamanig ahaete. Ig dadek danab bia daatem amge ig am danab kudum keeke kudum madatem. Ig am epenigpa keeke laa ii daate bia amge keeke oh am ig adatem.

<sup>11</sup> Korint danab, ig ag amelagpa nai elab miag atiak matita, ahilagnu amu ig oo doyak okainab dootem.<sup>12</sup> Ig ahilagnu amu ig oonig huanak daate ipuanadtem amge ag ihinignu oolag daate amu ag amu ig ii ipunigteb.<sup>13</sup> Gemu da ag amelagpa atem, imu am danab nug bekod dilagnu ate bia atem. Ag ihinig kobil, amu nob mekulagnu, ag ele oolag oh ig mekaglag.

***PAULUS NUG KORINT TAMANIAKNU DANAB  
DAB MATOM***

<sup>14</sup> Laa nug Jesusnu oopa genab doot<sup>e</sup> ele amu nug laa, Jesusnu oopa genab ii doot<sup>e</sup> ele amu, nug ele layamnab aib dayom. Amu elele iita. Adinu? Opia awak kobol amu do tape nak kobol ele a oh laipu ou aqat<sup>k</sup>unignu elele iita. Amahlak amu gatatu ele oh laipu ou qetepte? <sup>15</sup> Kristus Satan ele a oolah laipu oh daaglahte? Danab Jesusnu oopa genab doot<sup>e</sup> amu danab laa nug oopa genab ii doot<sup>e</sup> ele a dab mak laipu adaglahte? <sup>16</sup> Ig Kayaknu lag gun amu badag ham bpuak lag ele ou aqat<sup>k</sup>unigte? Ag doot<sup>e</sup>b Kayak baukel ele nuhig lag gun amu igib iiku. Anuka Kayak Nug inam aum. “Geha da ag ele oh daatta amu ag oolagpa oikul. Am geha da ahilag Kayak daappi, ag am geha dahil danab ah daaglag.” <sup>17</sup> Nug anam aum amunu Nug baula ele aum. “Ag ahan hipunin danab uuadna, ag gona, aben laih pide daaglag. Ag keeke dubutid amu ag aib adapig. Am ag anam hepeg amu geha da daka ag edue diia<sup>t</sup>oya, <sup>18</sup> geha da ag Mamelag daappi, ag am geha da bekalad adelad daaglag. Nadi gagat<sup>a</sup>g ele Nug anam awa ate.”

7

<sup>1</sup> O da gamalad, Kayak Nug ihinignu nai amu qaka aum amunu ig oo alagnu amu oudinu dubutid ele oh gedidta, opia awak ena, elelenab daatu! Ig Kayak nuhignu ena doota, oonig ele otaieb daatta amu haen oh ig kobol ena tutuk<sup>u</sup> dim lamidtu!

<sup>2</sup> Ag oolag amu ig mekeg! Ig heut, danab laa ehed ii doyom. Ig heut, danab laa nug hipunin

danab ii dayom. Ig danab laa bupuidtata, nuhig keeke laa ii adamat. <sup>3</sup> Da nai imu aṭem amu da ag bedulagpa nai yak ii hetem. Iita. Amge da matu ami aaḱu. Ig oonig amu ag maadṭem amunu ag mauhkulag amu aria ig ag ele oh mauhkunignu ug ii dootem. Am ag bau daaglag amu aria ig ag ele oh bau daagnignu ug ii dootem. <sup>4</sup> Da nai tutuku miag ag amelagpa aṭem, da ag tutuku oiglagnu oolpa genabnab dootem. Da oolpa ahilagnu am gamag ahak huanaknab dootem. Da ug tonidte bia ii dootem. Ug ohnu ihinigpa bete amge da ool madodnab doyeye, da ool gamag ahak okai dootem.

<sup>5</sup> Adinu? Ig uđit Makedonia beta, Titus aniṭutut, nug ahilagnu nai maṭiom. Tatam aben amupa ele am ig beduning amu madod laa ii dayom. Iita. Danab laala ag ig ehed heigkulagnu heegeg amu danab laala, ag oolagpa genab doyak ele, ag ehed gomananu ig oonigpa ug nadi doomut. <sup>6</sup> Amge ami aaḱu. Kayak, Nug danab oo ug ele oo madod medate ele amu, Nug he, Titus gumika udie, amupa ig oonigpa madod doomut. <sup>7</sup> Am Titus udiom amupaib ig oonigpa madod ii doomut. Iita. Ag Titus oo madod metaeg, nug nai amu awa udia, ig amenigpa maṭie, ig oonigpa madod doomut. Am laa amu Titus nug ig amenigpa ag da anidkulagnu oolag huan daaṭenu, kobil naunu ag oolagpa ehed doyona gaṭebnu, ag da ele, ig oh oonig laipu daagnignu amu ag dab mak huan aotebnu aum amunu da gamal huan ahaṭe.

<sup>8</sup> Da dootem, yak dahil tatamnu amu he, ag oolagpa guitak okai doopig amge amunu amu da oolpa ug ehed laa ii dootem. Genab anuka amu

da amunu oolpa ug doomi amge gemu am iiṭa. Da dootem, yak amu ag oolag ug maṭom amge amu haen tutuib. <sup>9</sup> Gemu da gamal ahaṭe. Da ag oolag ug dayom amunu gamal ii ahaṭe. Iiṭa, ag oolag ug dayom amupa ag oolag eduom amunu da gamal ahaṭe. Kayak Nug danab hipunin hete haenpa nug ug dookun dab mete amubia ag doopig amunu dahil nai amu he, ag ehet laa ii aopig. <sup>10</sup> Oo ug dayak, Kayak Nug he bete amu, oo ug dayak am he, ig danab aaku oonig edute. Kobol amupa am Kayak Nug ig edua awigte. Danab amunu am ehet laa ii dooma amge oo ug dayak, wannu kobolpa bete ele amu, oo ug dayak amuam he, mauhak bete. <sup>11</sup> Ag imu dab mekulag. Oo ug dayak, Kayak Nug ag amubia dooglagnu oo dayom amu, nug he, kobol diigdiig meu ena ele ahilagpa beum. Ug amu nug ag tapadate, ag Kayak tutuku dim lamidkulagnu wagai meteb. Ug amu nug ag tapadate, ag ahan, adi keekenu oolagpa ug daaṭe amunu epedin elele medapig. Ug amu nug danab laa ehet heum amu ag bapaikulagnu mad atom amu ag ele Kayaknu ena doon, oolag ele otaiom. Aria ug amu nug he, ag ig anigkulagnu amu ag oolag gayom amu ag ihinignu atem doopig amu ag gagatag dab mepig. Ug amu nug he, ag toliaṭak udat hekulagnu wagai mepig. Ug babaitak udat oh heteb amu ag ena eleleib heteb, ahilagnu adi laa matignig. Ag udat amu ena eleleib heteb. <sup>12</sup> Amunu am genab, anuka da kobol laa amunu udugpa ahilagnu yaami amge da danab nug ehet heum amu danab laa, laa nug nuhigpa ehet heum ele, amu dilah dab mein ii yaami. Iiṭa. Da ag

Kayak noobpa ag genab ag oolag ig megaṭeb amu dooglagnu da ad uđug amu yaami. <sup>13</sup> Kobol ena elele ahilagpa daaṭe anidmut, amu diig amupa ig oonig mađod ele daaṭem.

Am ig amunuib oonigpa mađod ele daaṭem amu iitä. Ig diig laanu ele gamanig ahaṭe. Ag oh Titus gagaṭag qetaegeg, nug gamag ahom, ig amu anidta amu ig amunu ele iiķu gamanignab ahaṭe. <sup>14</sup> Da anuka Titus amegpa ag heṭebnu ag onilag humami amu ag anamib ena hepig amunu da uđal ii nete. Iitä. Nai oh ig ag amelagpa mehuqmut amu genab, anamib aaku ig Titus noobpa ag onilag humamut, am nai amu oh ele am genabib. <sup>15</sup> Titus nug ag gumata uke, ag nuhignu oolag ena doonna, ag ehed laa hemananu badan, ag nug aon amu ag oh nuhig nai amu dim lamidpig. Ag anam heeg, nug ag anam hepig amu dab maama, nug ahilagnu oo huan mauhṭe. <sup>16</sup> Gemu amu da ag kobol oh tutuku hekulagnu heṭeb genab dooṭem amunu da gamal ahaṭe.

## 8

### *KRISTEN AG LAILKAD EHANADKULAGNU NAI*

<sup>1</sup> O lailad, ig Kayak Nug Makedonia Kristen tamaniax ehaniṭak okai mate, ag amupa adi heteb amu ag amu dooglagnu aķunignu hetem. <sup>2</sup> Ug okai ahilagpa beum amge ag oolag nauha autanab ii awom. Haen amupa am ag keekenu nena qena tutu mepig amge ag amunu bitumtum ii gopig. Iitä, ag haen amupa ele oolag gamag ahak okainab ele doona, ag Kristen laa dilagnu dab mena, ehanadkulagnu amu ag men dodo huanak qag mepig. <sup>3</sup> Da amu anten doomi amunu iiķu da

amu awe miag metem. Ag men dodo nakokib, ag mekulagnu elele daapig aaküib ii mepig. Iitä, ag amuam tuditak, laa ele, amu editak okainab mepig.

<sup>4</sup> Ag ig ena aput, Kayaknu danab ah Juda daateb ele amu, ag ehanadkulagnu ii daye daye unuqigpig.

<sup>5</sup> Ig anuka Makedonia danab dilagnu, “Geha ag men dodoib laala mekulag,” amut amge ag men dodoib ii mepig. Iitä. Makedonia danab ag aka ag bedulag oh ele aon, ag aka Nadi epegpa mewona, Kayak oo daate amu dim lamidna, aakü ihinigpa ele anamib hepig.

### UDAT DANAB LAALA GEHA KORINT UDIGLAG

<sup>6</sup> Anam daate amunu ig Titus, nug ag Korint danab ag oolagpa udat heehe, ag ehanitak amu bapaidkulagnu dig mepig ele amu, nug heeb, ag udat amu paha malaglagnu amu ig amegpa amut.

<sup>7</sup> Amge keeke ohpa, ahilag oopa genab doyakpa, Kayak nai mehuqakpa, ahilag doyakpa, Kayaknu udat elelenab hakpa amu ihinignu oo mauhak kobol ahilagpa ele, ag kobol ena eleleib heteb, amubia aria gemu ag danab ehanitak udat ena imu ele enaib heig!

<sup>8</sup> Imu da ag do ii madaatem. Iitä. Amge da danab laala ag udat ena heteb ele amu andete, ag Korint ag adi hepeg ele antena, da ahilag oo mauhak am keeke hamutai o iitä keeke genab eletai dookul. <sup>9</sup> Ag ihinig Nadi Jesus Kristus, Nug ag ehanadkulunib dab meum ele amu, ag kobol nuhig amu dooteb. Nug am keeke ohnu diig amge Nug ag ehanadkulun ha, Nug keeke iitä ele dayom. Nug anam heumnu diig am Nug wanpa udia, danab keeke iitä ele oiyaya mauheb, ag ib amupa Kayak

noobpa enub danab daaglagnu heum. <sup>10</sup> Imu dahil dab mak amu iiku ag amelagpa atem. Mad laa amupa ag Korint danab, ag udat amu anuqna heeg, dig ma beum. Amge anamib iiṭa. Ag udat amu hekulagnu, laa oh ii dab mepig haenpa, ag dig men dab mepig amunu <sup>11</sup> gemu ag udat amu hena, gog teig! Anuka udat amunu ag oolag paha oṭaiom, anamib gemu ag amu hena maleg! Ag ahilag keeke gane amu melemelpa heig! <sup>12</sup> Am danab nug layag ehanita, keeke medate, kobil amunu oo huan daate amu Kayak Nug kobil amunu am elele ena doote. Kayak Nug am danab nug nuhig keeke adi adi ele, amu ohnu aaku dab maama, danab amu kobil amunu hetodidte. Danab nug keeke nakokib amge nug laa ehanadkunu nuhig keekepanu nakok madate amu Kayak noobpa am danab keeke kuḍum ele am nug laa ehanadkunu nuhig keekepanu keeke kuḍum madaṭe bia daate. <sup>13</sup> Da Juda danab, gemu ag tutu mena daateb ele amu, ag ena daapeg, ag Korint ag am ehad daaglagnu ii atem. Iita. Ag oh keekenu laipu eleleib daaglagnu ool daate. <sup>14</sup> Am gemu haen imupa am ag Korint ag keeke okai ele daateb amunu ahilag keeke amupanu amu ag hepeg, danab ag gemu keekenu tutu daateb ele amu, ag aoglag. Aria anam daapeg amu dimpa ag Korint ag tutu mepeg, aria danab ag Juda daateb ele amu, ag keeke kuḍum aona aria ag edun ag ehanadkulag. Kobil amupa am geha ag oh keekenu laipu eleleib daaglag. <sup>15</sup> Amuam Kayak naipa yak daate bia. Nai amuam inam. “Danab nug bret onig mana kuḍum awom amu nug kuḍumnab iiṭa. Aria danab nug elelepa nakokib awom, nug am qakub ii

meum.”

<sup>16</sup> Aria, da am Kayak amegpa, “Ena heme,” atem. Adinu? Nug am Titus ehanite, nuhig dab mak amu, ihinig bia, laipu awa, nug ele ag ehanadkunu oo huan daate. <sup>17</sup> Ig nug adi hekunu amegpa amut amu odenig dim lamitom amge nug ele udat amu hekunu oo huan daye, nug nuka nuhig dab makpa ag gumatagote. <sup>18</sup> Aria ig lainig laa meut, nug ele oh gotep. Am Kristen tamaniak ohpa lainig amu nug Nai Ena mehuqkunu am nug gagatag ele amunu tamaniak oh ag nug binag meteb. <sup>19</sup> Amuib iita. Kristen tamaniak danab ag nug ig ele oh oitta, ehanitak udat imu oh hekunignu otipig. Ig udat imu oh hetata amu ig Nadi onig humagnignu, ig udat imu hekunignu oo gedak dootem amu ele ipuanadkunignu hetem. <sup>20</sup> Laa ele amu, ig geha danab laa nug ig ehanitak kobil imu hetem, amunu nai ehed laa akunu oonig ii daate. Ig oonig anam ii daate amunu ig lainig nug ig ele oh oignignu hetem. <sup>21</sup> Am ig ehanitak kobil imu ib tutukupaib Kayak amegpa hekunignu dab metem. Amge ig Nug amegpaib tutuku hekunignu ii hetem. Iita. Ig danab ag ele ig kobil tutukupa hetem anidkulagnu hetem.

<sup>22</sup> Aria ig am ig lainig laa ele meut, nug a ele oh goteb. Ig haen kudum udat diigdiigpa ig nuhig hak meta anidmut, am nug udat amu hekunu nug elele gagatag heum. Gemu nug ag Korint daateb amu, ag adi hekulagnu apig amu ag hekulagnunab daateb doote amunu nug am udat amu hekunu elelenab doote. <sup>23</sup> Titus nuhignu am ag inam anidkulag. Nug am dahil kadoi, ag ehanadkunu dahil udat

laipu. Aria ig lainti adit amu a am kristen tamaniak oh dilag udat danab, ahilah udatpa a Kristus binag metep. <sup>24</sup> Aria ag oo mauhak ahilag amu ag ipuanadpeg, kristen tamaniak oh ag ahilag oo mauhak genabnab doopeg amu ag dooglag, ig ahilag udatnu hamu gamanig ii ahaṭe.

## 9

### *KAYAKNU DANAB AH EHANATAKNU NAI*

<sup>1</sup> Ag Kayaknu danab ehanaṭaknu amu ag aaku doopig. Da amunu nai elab laa ii yaapa. <sup>2</sup> Da ag udat amu hekulagnu ag oolag gedate dootem amunu da haen oh Makedonia danab noolagpa ag onilag hume, inam amelagpa atem. “Grik danab Korint daaṭeb amu mađ matu amupa ag udat amu hekulagnu bapaidpig.” Amu ag ehanitak udat imu hekulagnu gagatag heegeg, Makedonia danab ag amu doona, kuđumnab ag ele amu hekulagnu oolag gedate. <sup>3</sup> Amge da nai matieye, ag onilag humatem, nai amu geha hamu bia daamanu, ag da ami amubia ag men dodo qag mena, mepeg daakunu amu da lailad hei, aaku ag gumadna goteb. <sup>4</sup> Laa amu da ahilagnu elelenab doyeye matimi amunu Makedonia danab laala ag ig ele ohgota, ig Korint danab ag ii bapaidpig anidput amu geha ig ag ele oh ig amunu uda nak doognig. <sup>5</sup> Amunu da lailad amelagpa api, ag anuqna ag gumadna gokulagnu am ena, da anam dab memi. Ag gona hepe, ehanitak keeke ag amu bapaidkulagnu apig amu da ii ukak haenpa bapaidkulag. Ag Korint ag anam bapaidpeg, anam dayeb, awaknu am oo gamag ahak ele. Awaknu am oo nauhak laa iita.

**6** Amge ag imu tutuku anidna doyeg! Danab nug e tumu kudum ii ebtē, nug e kudum ii aote. Aria danab nug kudum ebatē, nug kudum aote.

**7** Ag anen anen oh ahilag dab makpa, ag aka ag oolag amu tutuku elele anidna, ahilag dab makpa oolag atem daatē amuib ag keeke metaglag. Danab laa nug keeke oo qeebeb, ehanitak keeke maama, dab mak nuhigpa, “Ag gagatag wagai mena hepig amunu da matami,” ii dab mema. Iita, Kayak Nug danab nug oo gamag ahebeb, ehanitak keeke amu mekunu oo daatē.

**8** Am Kayak Nug ehanitak oh ag mateb amu geha ag keeke am bak ele daaglagnu hekunu elele. Amupa ag haen oh keeke eleleib daanna amu ag keeke kudumpa udat ena oh ele hekulag.

**9** Kayak naipa nai laa kobol amunu am inam daatē. “Nug keeke kudum dadēk danab madate, nuhig kobol enanag amu haen oh daatē.”

**10** Kayak, Nug e epaknu danab e tumu madate, Nug e diidiig danab oh lakulagnu ele madate amu, Nug geha ag keeke oh elele mateb, ag kristen laa madapeg, aria geha kobol ena ahilag amu nug ba, danab e epe, dimpa e meu huanaknab otē, amubia ii tuqa aoma.

**11** Ag geha keeke kudum ele daanna amu ag keeke kudum lainkad mataglagnu elele. Amu ihinig udatpa ehanitak keeke ahilag amu geha ig lainkad ag amu aon, amupa ag Kayaknu, “Ena heme,” aon akulag.

**12** Ag udat anam henana, ag Kayaknu danab ah ehanadpeg, laala ag keekenu tutu daatēb amu ag elele daaglag. Amge amunuib iita. Ag Korint adi ag kobol amu anam hepeg amu Juda laa, ag dadēk daatēb ele amu, ag Kayak amegpa, “Ena

heme,” okainab akulag. <sup>13</sup> Ag layag ehanitaknu udat imu hekulag am geha ahilag kobol amu heeb, ag am genab Kayaknu danab daat̄eb am miag atiak bekulag. Am geha ig lainkad ag ag Korint danab, ag Kristusnu Nai Ena dim lamidtebnu at̄eb amu ag genab anam heteb anidna, ag Kayak binag mekulag. Aria geha ag ahilag ehanitak okai ag madapig doonna amu danab ag amupa geha ag oh amu Kayak onig humaglag. <sup>14</sup> Am geha danab oh ag Kayak Nug ehanitak okai, ag Korint ag hamu matom anidna dooglag, amupa geha ag ahilagnu oolag enanag doon, Kayak Nug ag ititak madakunu unuqidkulag. <sup>15</sup> Ehanitak Kayak ig megte amu okainab, ig nai amu oh mehuqkunignu elele iita. Ehanitak amunu ig Kayak amegpa, “Ena heme,” aakuib akenig.

## 10

### *PAULUS NUG, NUG EHED HEUMNU NAI TAPE NOUM*

<sup>1</sup> Da am Paulus. Am danab laala ag nai da bedulpa yaan, inam aon maditeb. “Nug ig ele daat̄em haenpa amu nug nuka onig qe ne, ig ele daat̄em amge haen nug pide dayaya amu nug nai gagat̄ag amu ig megte,” aon at̄eb. Amge da Paulus, da am Kristusnu kobol, Nug nuka Nug binag ii dab maama, Nug oo madodpa kobol bodo etak madod ele danab dilagpa heum, amubia da ahilagpa hein, nai madipi, ag dahil nai dooglagnu unuqadtem. <sup>2</sup> Ag oolagpanu laala ag ihinignu, “Ag wan imupan kobol adan oiteb,” aon at̄eb amunu da at̄em. Ig ag gumadtagota, da dab mak ehed amu qepi nekunu daat̄em amunu da nai gagat̄ag

ag amelagpa madipanu amu ag ağa dab mak ehed amu qepeg nad! Ag anam ii hepeg, da ukena amu da danab ag dab mak amu ele amu, ag amelagpa nai gagaṭag madikul. <sup>3</sup> Danab laala ag ig wan imupan kobil aot oitem ateb amge iitä. Am genab, ihinig oyak amu ig wanpa oitem amge ig wanpa ban heṭeb bia ig ii heṭem. <sup>4</sup> Ban haknu keeke oh ig adat̄em amu, ag wanpan keeke iitä. Iitä. Ig adat̄em ele amuam Kayaknu gagatag ele, ig kekednu ad gagatagnab amu amupa lopadtem. <sup>5</sup> Amu ig dab mak oh amu matiak pide pide oh ele Kayak di medate ele amu lopadtem. Amu ig dab mak oh mani guadta, dab mak oh amu Kristusnu dab mak aakuib dim lamidkunu heṭem. <sup>6</sup> Ig Kayaknu ban haknu keeke adat̄em amunu ag oolagpan aun adi ag ihinig nai dim lamidteb tatam doota, dimpa amu ig nai tape nak danab amupa nob nau maṭagnig.

<sup>7</sup> Ag keeke unuqagnab amu ii anidteb. Danab laa nug nuhignu, “Da am danab tutuku, Kristusnu danab daat̄em,” gagatag dab mete dayeb amu nug edua imu ele antad! Nug am Kristusnu danab daate, amubia ig ele am Kristusnu danab daat̄em. <sup>8</sup> Am Nadi Nug ig ahilag oopa genab doyak amu gagatag qetagnignu udat amunu ehah mekom. Ig anam heput, ahilag oopa genab doyak na qekunu ii mekom amunu da ehah amupa da daka da onil nakok okai bia humat̄em dayeb amu da udal ele ii nema. Da adi hekulnu atem am da hekul. <sup>9</sup> Ag, “Nug nuhig yakpa nug hamu ig badak megte,” dab mekulagnu amu da ool ii daate. Ag anam aib dab mepig! <sup>10</sup> Da atem amunu diig am, danab laala ag dahilnu inam ateb. “Ao, yak nuhig amuam

gagaṭagnab, ug ele amge nug udie, ig nug bedu anidtem amu gagaṭag iiṭa, nuhig nai amu ele bodo etak,” ateb. <sup>11</sup> Am danab nai anam maditeb ele amu ag tutuku dab mena anidna, inam doyeg! Ig pide daatta, udugpa ahilagnu yaṭem am ig ahilagpa goput, ag ele oh daata amu ig kobol udugpa yaa-mut amu aaḱuib ig ag oolagpa ele hekunig.

<sup>12</sup> Laa amu, ag oolagpa laala ag, “Ig am danab enanag,” aon ateb ele amu, ig amu dilag melemel amu aot, ig bedunigpa meta doognignu elele ii dootem. Aria ig ahilag kobol ele aot, ihinig kobol melemel amupa ii hetoditem. Iita. Danab amu ag aka aka meulagpa doonna, ag aka ag epediadteb. Am danab amu ag ahilag kobolnu amu ag aka ahilag kobolib anidna, ahilag kobol melemel amupa epedidteb. Danab amu ag am doyak ena iita. <sup>13</sup> Amge ig am ig oninig hamu humaput atan tekunu ii hemata. Iita. Kayak Nug ig udat hekunignu udat amu mekom amu aaḱuib ig neekidtata, ena hemut anidtem dayeb amu ig amunu ig oninig humagnig. Am Kayak Nug udat mekom ele amu ag Korint danab ag udat amu oopa daateteb. <sup>14</sup> Yo, ag udat Kayak ig hekunignu aum oopa daateteb amunu ig ahilagpagota, udat hemut ele amu, ig Kayak nai tipalta ii gomut. Iita. Ig nuhig nai aaḱu dim lamidta, Jesusnu Nai Ena ahilagpa batak mehuq-mut amunu ig oninig humatem amu ig hamu ii hetem, ehed ele ii hetem. <sup>15</sup> Ig anam mehuqtata amu ig udat danab laala hepig ele amu, ig amunu ig oninig ii humamta. Iita. Ig geha ag Korint, ag ahilag oopa genab doyak amu gagatag beeb, ig ag oolagpa udat hetem amu ba, okai tudita elele

daākunu hētem. <sup>16</sup> Anam dayeb am geha ig nai ena amu aot, wan laala ag heqolagpa daāteb, apa gokunig. Amupa amu ig danab laa nug nuhig udat heumpa nota, ig oninig hamu ii humamta. <sup>17</sup> Amge ig ika ig oninig humagnignu Kayak naipa nai daate amubia am ena iita. Nai am inam. “Aun nug onig humak hekunu oo daāte amu nug Kayak adi heum amu dab maama, Kayak onig humad!” <sup>18</sup> Ig danab nug nūka onig humate, danab amu nug am Kayak noobpa onig ele ii dab memata. Iita, Nadi Nug danab onig humate, danab amuib am nug onig ele.

## 11

### *PAULUS TOTOL HAM BUPUAK DILAG HAK MIAG ATIOM*

<sup>1</sup> Ag da dab medapeg, da nai hamu madikulnu hētem imu amu ag amu doona, ag oolag aib nauhom. Ag dooglagnuib dab mekulag. <sup>2</sup> Kayak Nug ig danab ihinignu dab huan maama amu nūka nuhignu tituanikom amubia da ele ahilagnu anamib dab metem. Ao, da nid ahin bau, oiyak nuhig tutukuib, nug mameg danab laanu ah daākunu nug epegpa mete bia, da ag opia awaknab amubia daapeg, Kristus medakulnu hētem. <sup>3</sup> Amge da badate. Mat nug nuhig doyak okaīpa anūka Ewe bubuite na qeum amu, kobil anam amu laa ahilagpa ba eedate amu ag opia awak kobilpa dayak amu edidna, Kristusnuib ii dab memananu ool badate. <sup>4</sup> Adinu? Danab laala ag gumadna gona, Jesusnu nai kabolinna, ahilag dab makpa nai ag amelagpa mehuqeg, ag aoteb. Jesusnu nai amuam da Jesusnu nai mehuqtem ele amu, a laipu

iita, am laa. O iita danab amu ag oudi laanu mehuqeg, ag aoteb. Nug am Kayak Oudi, ag anuka aopig ele amu, Nug iita, am laa. Amu ag nai diig laa mehuqeg, ag aoteb. Nai amuam Nai Ena, ag matu aopig ele amu iita, am laa. Danab ag kobol amu ag oolagpa heteb ele amu ag Korint danab ag agib dab metan daanna, oolag hete. <sup>5</sup> Doyeg! Dahil dab makpa amu totol danab amu, ag danab amelagpa anuqak daateb amu, da ag waalagpa nakok laa ii daatem. <sup>6</sup> Genabtai da nai mehuqak kobol am tutukunab ii dootem amge da am doyak aomi. Da haen oh, kobol dahil ohpa ele amu da ag amu ipuanadmi.

<sup>7</sup> Da Kayaknu Nai Ena ag amelagpa mehuqen, da nob daden laa ahilagpanu ii awen, kobol amupa da daka da adailen nein, ag onilag humakulnu aaquib hemi amunu atemutai? Da kobol amu hemi amu da amupa ehed laa hemite?

<sup>8</sup> Da kristen tamaniak laalapanu men dodo aomi. Amupa da ehanideg, ahilagpa udat hemi. Da anam hemi amunu da tamaniak laapa, ahilag keeke hamu adadmi. <sup>9</sup> Anuka da ag ele oh daata, da keeke laanu tutu dayeye, da ag oolagpanu danab laa amunu ug ii metami. Iita. Da lailad adi ag Makedonianu ahan gona, Korint tena, da adi keeke laalanu tutu memi amu ag medapig amunu da ag Korint danab ag ug nakok laa ii matami, geha ele da anamib hekulnu dab metem.

<sup>10</sup> Da Kayak nai mehuqkulnu heinne, tatam da danab ag dooglagnu daateb ele amu ag men dodo medaglagnu api, ag men dodo medaglagnu, “Yo,” apeg, da Kayak nai mehuqkulnu ii hetem. Da kobol amu uumi, da Kayaknu nai danab ah hamu

madakulnu dab mein hetem. Genab da Kristusnu nai dahilpa daate amunu genab dootem amubia laa nug heeb, da kobol binag ele hetem amu, da uukulnu elele iitanab dootem. Da Grik wan ohpa anam hekulnunab daatem. <sup>11</sup> Adinu da anam hetem? Da ahilagnu oo mauhak ii dootem amunate? <sup>12</sup> Iita! Kayak Nug da ahilagnu ool mauhete, amuam Nug doote. <sup>12</sup> Amge danab laala, ag aka onilagib humaglagnu oolag daate amunu danab amelagpaib matin, kobol da hetem kobol amunu gadaib heteb ele amu, da ahilag ib amu oo nekulnu iiku udat heinne, da udat hetem bia anamib baubau hekul.

<sup>13</sup> Danab amu ag am totol danab ham bpuak. Ag am ham bpuak udat danab, ag danab amelagpa totol danab bia daateb amge ag gadalag aakuib Kristusnu totol danab daateb. <sup>14</sup> Ag Korint daateb ele amu, ag amunu aib otaipig. Adinu? Ig dootem, Satan nug nuka hanhan kobol nuhig he edue, nug gadapaib amahlak engel bia bete. <sup>15</sup> Anam amunu nuhikud udat danab ag ele ham bupun henana, ag danab amelagpa, “Ig kobol opia awak ele amunu udat danab daatem,” aon akulag dayeb amu ig amunu am dab mak okai ii aomta. Ig ii otaimata. Geha dimpa ag udat heteb, amupa nob ahilag aoglag.

### *PAULUS NUG TOTOL UDATPA UG KUDUM MA-WOM*

<sup>16</sup> Nai imu da matu matimi ele amu, gemu bau madikulnu hetem. Danab laa nug dahilnu, “Nug kaaka danab,” aib dab meum amge ag dahilnu anam akulagtai. Am ag dahilnu anam dooglag dayeb amu ag danab kaaka laala, ag amu dilag dab menan, nai ahilag dooteb, amubia ag da dab

medapeg, da ele daka dahilpa adi beum, Kayak Nug da epelpa adi adi udat heum amu da ainne, amupa da onil nakok humapi dooglag. <sup>17</sup> Nai imu da Na<sup>di</sup> odep<sup>anu</sup> awe ii atem. Iita. Da amunu api, ag da tutuk<sup>u</sup> anidna, dahil nainu genab doona dim lamidkulagnu da daka, kaaka danab heteb bia, da onil humen madikulnu hetem. <sup>18</sup> Danab kudum ag wan kobol dim lamidna, ag aka onilag humateb amubia da ag Korint danab, ag nai tutuk<sup>u</sup>, da ag amelagpa ami ele amu, ag amunu oolagpa genab dooglagnu, da ele laa ag heteb bia, da daka onil humakul. <sup>19</sup> Ag Korint amu ag aka ahilagnu amu ag am dab mak ena ele dooteb amge ag danab kaaka amu doyadna dab matan daaegeg, kaaka danab amu ag kaaka nai aaku ag madateb! <sup>20</sup> Ao, danab laa nug ag nugib waapa daaglagnu ate dayeb, o nug keeke ahilag amu oh aote dayeb, o nuhig ham bupuakpa ag diite dayeb, o nug ag awa awa aqate dayeb, o nug enaen ma dutunadte dayeb amu aria ag nuhig nai epedilob am ena amge ag anam ii heteb amunu nug aaku anam hete. <sup>21</sup> Genab, ig am kobol danab amu ag heteb bia ahilagpa laa iinab hemut amunu da, “Ig ehed hemut,” ii apa.

Amge danab laa nug gagatag ma, nuka nuhigpa adi keeke binag ele daate amunu madite amu dahilpa ele anam daate amu madikulnu elele. Gemu amu da dahil nai matiak kaaka danab nai matiak bia maditem. <sup>22</sup> Totol danab ham bupuak amu ag am Hibru danabte? Aria da ele am Hibru danab. Ag Israel danabte? Aria da ele am Israel danab. Ag am Abraham budubte? Aria da ele am Abraham budub. <sup>23</sup> Ag Kristusnu udat danabte?

(Da gemu amu kaaka nainab maditem.) Kristusnu udatpa amu da ag edadtem. Dahil hak gagaṭagpa da ag edadmi, Jesusnu nai mehuqaknu mani guṭakpa dayak am da ag edadmi. Danab ag da wippa matadileg, kudumnab batom, amupa da genab ag edadmi. Aria laa ele haen kuḍum da mauhkulnu miag daami, ag am anam bia iita. <sup>24</sup> Haen tanig ele Juda danab ag wip mudipa da matadileg uke, 39 batom. <sup>25</sup> Haen ewam ag bupa da oidpig, ag haen laipu menpa oidkulagnu men epig. Haen ewam da yupa oiiyi, ug be, ub nauhom. Tuqan laipu amu aam laipu ele da yupa maya memi. <sup>26</sup> Da haen kuḍum ib uma amu gomi. Da lepa padal mekulnu hemi. Danab nau ibpa daanna, danab ukaegeg, makudadna, keeke ahilag aduadteb ele amu, ag epelagpa heeg, nauhkulnu hemi. Da lailad ag ehed heidkulagnu heegeg, iita ađi danab ele, ag da ehed heidkulagnu hepig. Ab okaipa ag da ehed heidkulagnu hepig am atu tadakpa, danab iitapa, ag ehed heidkulagnu hepig. Yupa da padal mak abenpa daami amu kristen tamaniak oopanu ham bupuak danab, ag ele da ehed heidkulagnu hepig. <sup>27</sup> Da udat diigdiig huanak hemi. Haen kuḍum da tuqan udat heinne, niiak ena ii niimi. Da enug iwewe, le baal ele diiom. Haen kuḍum da e elele iita daaiyi, ulah iwewe, lamennu tutu daami. <sup>28</sup> Aria amuib iita. Haen amu ohpa da kristen tamaniak dab madakulnu dab mak kuḍum aoiyi, ug amuam ugnab bedulpa okainab me doomi. <sup>29</sup> Am danab laipu nug gagaṭag iita aria da ele am gagatag iita bia daaṭem. Am danab laa nug hipunin hete, aria da oolpa amu da ug dootem.

<sup>30</sup> Am ib laa iita, da daka da onil humakulnuib daate dayeb amu aria da dahilnu adipa da gagatag iita, da amupa onil humakul. <sup>31</sup> Kayak, Nadi Jesus Mameg, ig Nugib haen oh binag mekunig ele amu, Nug doote, da ham ii bubu tem. <sup>32</sup> Am Damaskus apa king Aretasnu ehanitak laa, nug Damaskus ab okainu od gumak danab maateb, ag da adailpeg, mani guita kpa meidkunu heum <sup>33</sup> amge da lailad laala ag da kalegpa inidna, ab okainu ad ode laapa padaeleg, da dimitim nomi. Anam heeg, da Aretasnu ehanitak amu nug epegan oole gomi.

## 12

### *KAYAK KEEKE KUDUM TULEGLEGPA PAULUS IPUNITOM*

<sup>1</sup> Korint danab, ag bedulagpa da daka onil huma tem. Genab, onig humak kobol imu nug ig ii ehanigte amge da tuleglegpa nai lokumak laala, Nadi Nug da amelpa miag atiom amu, da amunu ele madikulnu iiku hetem. <sup>2</sup> Kristusnu danab laa amu da dootem. Anuka mad 14 ii ugeke, Kayak Nug nug awe, hab atan uka, hab ewampa teum amu nug mauhomte o iita nug iite mauhom amu da ii dootem. Kayak Nugib doote. <sup>3</sup> Da Kayak danab amu awa, Paradispa ukom amu da dootem amge nug mauhomte, o iita iite mauha ukom amu da ii dootem, Kayak Nug doote. <sup>4</sup> Amge Paradis apa nug nai diig laa doyom, danab nug nai amu ig danab ihinig naipa mehuqkunu elele iita, amu nai amu mehuqaknu am ele gun ele. <sup>5</sup> Danab amubia aakuib amu da nug onig humakulnu ool daate amge da daka da onil ii humapa. Iita. Da

daka gagatag iita amu da amunu akul. Da gagatag iita daaiyi, Kristus Nug dahlpa udat heṭe amu da amunuib akul. <sup>6</sup> Genab, da daka onil humakulnu elele' amu da helom amu geha da kaaka danab bia ii daalom. Iita, da nai genabib alom amge da daka onil ii humapa. Adinu? Geha danab laa nug dab mak nuhigpa dahlnu, "Nug am danab enanag," anam dooidkunu amu, da ool ii daate. Da ool daate amu geha ag dahlnu adi dab mekulagnu amu ag kobol da heṭem amu anidna, nai da mehuqtem amu doonna, amupaib ag dahlnu tutuku dooglag.

<sup>7</sup> Tatam danab laanu matimi amu daib. Paradispa amu Kayak Nug da keeke ipunidom ele, amuam keeke okainab. Amunu diig amunu Kayak Nug da daka onil huan humapanu amu Nug keeke laa, qaun bia, da yaaidkunu medom. Amuam Sattannu udat nid, nug da daka onil huan humapanu tapideb nekulnu daate. <sup>8</sup> Da haen ewam Kayak Nug bedulpanu keeke amu uhuqkunu unuqidmi <sup>9</sup> amge Nug da amelpa inam aum. "Dahil ehanitak okai hamu medatem ele, amupaib na elele daatem. Ađinu? Dahil gagatag amu danab ag gai iita daateb ele amu, ag gagatag ele aon daaglagnu amu nug ahilagpa aaku udat enanag heṭe." Nadi Nug anam aum amunu da gagatag iitanu ool ug ii daate. Iita! Da amunu Kristusnu gagatag aakuib dahlpa daakunu gamalib ahehe, adi keeke da hekulnu da gai iita daatem amu, da amunu onil humakul. <sup>10</sup> Anam amunu haen da Kristusnu udat hekulnu amu da gagatag iita, haen da Kristusnu udat heṭem amunu danab ag da ehad heidteb, haen da Kristusnu udat heṭem amunu da ug diigdiig da bedulpa dootem amu haen da Kristusnu udat heṭem amunu

danab ag heeg, da ehet̄ daat̄em ele amu, da haen amupa oolpa ena doot̄em. Ao, haen da gagat̄ag iita daat̄em amu haen amupaib aaku da gagat̄agnab daat̄em.

### *PAULUS KORINT DILAGNU DAB MEUM*

**11** Da nai madit̄em imu am kaaka nai amge ag aka da nai imu inam madikulnu dut̄unideg, da madit̄em. Adinu? Ag da onil humaglagnu am aib iita, amu kobil elele, ag helob am ena amge ag anam ii hepig. Genab, da amu keeke hamu amge da gadalagib totol danab ahilkad amu ag waalagpa ii daat̄em. **12** Iita, da daka da ool gagat̄ag qein dayeye, da ag Korint ag oolagpa udat kudum huana hemi. Aria da heinne, totol danab dilag ehanataknu keeke kudum aaku hei, miag atiom. Keeke amuam eponak keeke diigdiig danab hekunu elele iita. **13** Da kristen tamaniak laapa kobol laa het̄em, anamib aaku ahilagpa ele het̄em. Laipuib amu da ahilagpa ii hemi. Amuam da ahilagpa ehanit̄ak laa ii aomi. Gadon ag dahil hak nau amu uhuqna medeg!

**14** Aria gemu da haen ewam ag gumar̄e gokulnu hein bapaidtem. Da geha uke, keeke ahilag amu ii adadpa. Doyeg, da keeke ahilag aokulnu ool ii daate. Iita, da ag diiadkulnu ool daate. Ag dooteb, nid ag mamelekad anilkad ehanadkulagnu keeke bapaidna ii qag met̄eb. Iita, mameg anig agib nid ehanadkulahnu keeke qag met̄ep. **15** Aria da am dahil keeke oh ahilagnu agapi gokunu ug laa ii doot̄em. Am dahil bau dayak ele, ag ehanadkulnu maopi gokunu ug ii doot̄em. Da oo mauhak ahilagnu huanak doot̄em dayeb amu ag amu anidna, ag dahilnu oo mauhak nakokib dooglagte? **16** Nai

amunu aa<sub>k</sub>u elele, anam dayad! Amge ag laala am dahilnu inam aon at<sub>e</sub>b. “Genab, nug ihinig keeke miag atiakpa amu ii ao<sub>t</sub>e amge nug nai it<sub>a</sub>g mat<sub>i</sub>ak danab amunu ham bpuuak kobol haaha, ig noonig yaaya eedig<sub>t</sub>e,” aon at<sub>e</sub>b. <sup>17</sup> Amge a<sub>tem</sub>nab? Da danab laala maati, ag gumadna gopig, amupa da ahilagpa ehed laa hemite? Am da ahilagpa danab laa ham bubuit<sub>t</sub>e, nug epegranu nuhig keeke laa adidmite? <sup>18</sup> Da Titus amu ig lainig imu ele a oh maati, a oh ahilagpa gopi<sub>d</sub> am Titus nug ham bupua, ahilag keeke laa adomte? Am nug da ele i Kayak Oudi laipu amu Nuhig gagatagpa i iite oitep? I ib laipupaib iite oitep?

<sup>19</sup> Ig nai imu yaaut, ag eb qenana amu ag, “Ig ag hetodiadta, ena anadta aput, ig oh edut laipu daagnignu he<sub>t</sub>eb,” anam dab metebtai. Amge iita. Ig Kristusnu danab daa<sub>t</sub>em amunu ig Kayak noobpa nai imu madi<sub>t</sub>em. O lailad, gadonnab, da nai yaami imu oh amu ahilag oopa genab doyak amu gagatag qedakulnu yaami. <sup>20</sup> Da ag gume<sub>t</sub> u<sub>k</sub>e tein, da ag danab a<sub>t</sub>em daaglagnu ool daa<sub>t</sub> amu, da anam bia ii anadkulnu, ag ele da anidna, da danab a<sub>t</sub>em daakulnu oolag daa<sub>t</sub> amu ag anam bia ii anidkulagnu amu da ool ii daa<sub>t</sub>. Da nai a ona a doak kobol, layagnu ehe<sub>d</sub> doyak kobol, nai hak kobol, enaen mak kobol, awa awa qetak kobol, dimug nai mat<sub>i</sub>ak kobol, nai ii doyak kobol, kristen tamaniak kaboliak kobol ele amu da amu anidkulnu ool ii daate. <sup>21</sup> Am da edue ag gume<sub>t</sub> gopi, Kayak Nug ahilag hak nau ipunideb, ag noolagpa da udal nekunu ool ii daate. Geha da danab ah ku<sub>d</sub>um ag hipunin diigdiig, dubutid kobol, gapai kobol, hipadu ahak kobol ele

hepig, ag amunu oolag ii eduom ele antena amu, da amunu gaakul amge da anam anten gaakulnu ool ii daate.

## 13

### *PAULUS NUG KORINT DANAB DAB METAKNU NAIMATOM*

<sup>1</sup> Gemu da haen ewam aaku ag gumaré gokulnu hetem amunu Kayak naipa nai inam daate amu ag dooglagnu atem. “Danab laa bedupa nai yaaglagnu dayeb amu danab adit a ahai anam hekulah o iita danab ewam ag ahan anam hekulag am nai amu gagatag daaku. Danab laipuib am elele iita.” Da gopi, ag ig ele nai laala ib amupaib bapaidkunig. <sup>2</sup> Danab ag anuka hipunin hepig amu danab laala oh ele amu da namba tu haen ahilagpa gomi, haen amupa da ag ele oh daata, da kobol adi ag oolagpa hekulnu amu aaku ai, ag doopig. Aria gemu ele da ipa dayeye, da am nai imu edue inam atem. Am da edue ag gumaré uke, da danab hipunin tatam hepig o iita gemu heteb amu da nob madakulnu ag ii uuadpa. Iita! <sup>3</sup> Da anam hepi, ag genab tutuku dooglag. Kristus Nug da odelpa nai madite. Doyeg! Kristus Nug ahilagnu ha, Nug udat nuhig ii bodo edate. Iita, Nug ahilagpa udat gagatag hete. <sup>4</sup> Genab, anuka Nug danab bedu, danab bedu am gagatag iita, Nug danab bedu awa daye amu ag Nug ad emaitakpa atulpig amge Kayaknu gagatagpa gemu Nug bau daate. Amu ig ele danab bedunig ele daatem amunu ig ele gagatag iita amge Kayaknu gagatagpa ig Nug ele

bau daat̄em amunu geha ig nuhig gagat̄agpa amu ag oolagpa udat̄ heput, ag ehanit̄ak aoglag.

<sup>5</sup> Ag aka aka ag Kristen daatebte o iita amu anidna italna epedieg! Ag Jesus Kristus, Nug ag oolagpa daat̄e iite dooteb? Yo, ag elele daat̄eb dayeb amu Nug ag oolagpa daat̄e. Iita am iita.  
<sup>6</sup> Amu ag ig elele daat̄em, ig neta ii qemut amu, ag amu anidkulagnu ool daat̄e. <sup>7</sup> Ig Kayak Nug ag ehanaat̄eb, ag kobol ehed laa ii hemananu unuqidtem. Ig ika ig iiku miag beta, elele daat̄em anidkulagnu amu ig anam ii unuqidtem. Iita. Danab ag ihinignu ena dooglagtai o iita ena iita dooglagtai amge ig ag Korint danab ag kobol opia awak hekulagnu oonig daat̄e, aakuib. <sup>8</sup> Adinu? Ig keeke laa heput, nai genab amu tapeb nokunu elele iita. Ig nai genab ehanidta hekunignu aakuib am elele. <sup>9</sup> Ig am gagat̄ag iita daautut, ag gagat̄ag daaegeg amu ig amunu gamanig ahate. Haen oh ig geha ag tutuk̄u elelenab ahan daaglagnu Kayak unuqidtem. <sup>10</sup> Gemu da ipa dayeye amu da ahilag nai imu yaami, amunu diig am, da nai imu yaapi, ag anidna eb qena, ag yaami bia keeke bapaidpeg, geha da gopi, ag ele daatta amu udatnu gagat̄ag, Nadi Nug da medom imupa, da amupa ag epediadkulnu udat laa ii daama. Nug da medom imu am, ahilag oopa genab doyak amu gagat̄ag qedaqunu medom. Da hepi, ag nena qekulagnu ii medom.

### HUMATAK NAI

<sup>11</sup> O lailad, da gemu nai baag qein da ag humadtem. Ag tutuk̄u elelenab bena daaglagnu udat heig! Ag da nai at̄em imu doona, ag oh dab

mak laipu adan, oolag laipu mena madod dayeg!  
Ag anam hepeg amu Kayak, Nug oo mauhak,  
oo madod diig daate, Nug ag ele oh daaglag.  
<sup>12</sup> Ag ig kristen danab ihinig kobilpa, ag oh anen  
anen kobil opia awak elelepa ag nug humiteg!  
<sup>13</sup> Kayaknu danab ah amu ag humadteb. <sup>14</sup> Nadi  
Jesus Kristusnu ehanitak okai, Nug ig hamu megte  
amu Kayaknu oo mauhak, nuhig Oudinu oo mak  
ele amu ag oh ahilagpa dayeg!

**KAYAKNU NAI Tituanak Bau  
The New Testament in the Nobonob Language of  
Papua New Guinea  
Nupela Testamen long tokples Nobonob long Niugini**

copyright © 1990 Wycliffe Bible Translators, Inc.

Language: Nobonob

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

---

PDF generated using Haiola and XeLaTeX on 11 Nov 2022 from source files  
dated 9 Oct 2020

ed374bb9-d819-53d1-a85b-f86cce3892e1